



四庫全書

薈要

【集部】

吉林人民出版社

乾隆
御覽本

四庫全書薈要

集部
第六冊

欽定四庫全書薈要

集部
白氏長慶集卷二

御製讀白居易詩

人咸謂香山之詩傷於易不知其易處正難及也

偶讀其集題此

離離曾聞白樂天漫將率易議前賢但從性地中流出
風雲總道詮

乾隆甲子仲冬月

右謹依

御製詩初集恭錄

欽定四庫全書

御製詩
白氏長慶集

臣
王杰詳校
詳校官助教臣常循

白氏長慶集

提要

臣等謹案白氏長慶集七十一卷唐白居易撰居易爵里事蹟具唐書本傳案錢曾讀書敏求記稱所見宋刻居易集兩本皆題為白氏文集不名長慶集汪立名校刻香山詩集亦謂寶曆以後之詩不應槩題曰長慶今考

居易嘗自寫其集分置僧寺皆題曰白氏文集開成五年置於香山寺者則別題曰洛中集惟長慶四年元稹作白氏長慶集序稱盡徵其文手自排纂成五十卷二千一百九十一首又稱明年當改元長慶訖於是因號曰白氏長慶集則長慶一集特穆宗甲辰以前之作曾及立名所辨不為無據然唐志載白氏長慶集七十五卷宋志亦載白氏長慶集

七十一卷而白氏文集之名轉不著錄又宋

人目錄傳於今者晁公武讀書志尤袤遂初

堂書目陳振孫書錄解題亦均作白氏長慶

集則謂宋刻必作白氏文集亦未盡然也乾

隆四十二年四月恭校上

總纂官臣紀昀臣陸錫熊臣孫士毅

總校官臣陸費墀

白氏長慶集原序

白氏長慶集者太原人白居易之所作居易字樂天樂

天始言試指之無二字能不誤具樂天與子書始既言讀書勤

敏與他兒異五六歲識聲韻十五志詩賦二十七舉進

士貞元末進士尚馳競不尚文就中六籍尤擯落禮部

侍郎高郢始用經藝為進退樂天一舉擢上第明年拔

萃甲科由是性習相近遠求玄珠斬白蛇等賦及百道

判新進士競相傳於京師矣會憲宗皇帝冊召天下士

欽定四庫全書

白氏長慶集
原序

一

樂天對詔稱旨又登甲科未幾入翰林掌制誥比比上

書言得失因為賀雨秦中吟等數十章指言天下事時

人比之風騷焉子始與樂天同校秘書之名多以詩章

相贈答會子謫掾江陵樂天猶在翰林寄子百韻律詩

及雜體前後數十章是後各佐江通復相訓寄已蜀江

楚間泊長安中少年遞相倣倣競作新詞自謂為元和

詩而樂天秦中吟賀雨諷諭等篇時人罕能知者然而

二十年間禁省觀寺郵候牆壁之上無不書王公妾婦

牛童馬走之口無不道至於繕寫模勒街賣於市井或

持之以交酒茗者處處皆是揚越間多作書模勒樂天及子雜詩賣於市肆之中

也其甚者有至於盜竊名姓苟求自售雜亂間廁無可

奈何子於平水市中統湖傍卑市名見村校諸童競習詩召而

問之皆對曰先生教我樂天微之詩固亦不知子之為

微之也又云雞林賈人求市頗切自云本國宰相每以

百金換一篇其甚偽者宰相輒能辨別之自篇章已來

未有如是流傳之廣者長慶四年樂天自杭州刺史以

欽定四庫全書

白氏長慶集
原序

二

右庶子詔還子時刺會稽因得盡徵其文手自排綴成

五十卷凡二千一百九十一首前輩多以前集中集為

名子以為陛下明年秋當改元長慶訖於是因號曰白

氏長慶集大凡人之文各有所長樂天之長可以為多

矣夫以諷諭之詩長於激聞適之詩長於遣感傷之詩

長於切五字律詩百言而上長於瞻五字七字百言而

下長於情賦贊箴戒之類長於當碑記叙事制誥長於

實啟表奏狀長於直書檄詞策剖判長於盡總而言之

不亦多乎哉至於樂天之官族景行與予之交分淺深
非叙文之要也故不書長慶四年冬十二月十日微之
序

白氏長慶集卷一

唐白居易撰

諷諭一 古調詩五言凡六十五首

賀雨

皇帝嗣寶厯元和三年冬自冬及春暮不雨旱熒熒
切上心念下民懼歲成災凶遂下罪已詔殷勤制萬邦
帝曰予一人繼天承祖宗憂勤不遑寧夙夜心忡忡元

中持

年誅劉闢一舉靖巴邛二年戮李錡不戰安江東顧惟
眇眇德遽有巍巍功或者天降沴無乃微子躬上思答
天戒下思致時邕莫如率其身慈和與儉恭乃命罷進
獻乃命賑饑窮宥死降五刑責已寬三農宮女出宣徽
廐馬減飛龍庶政靡不舉皆由自宸衷奔騰道路人偃
僂田野翁歡呼相告報感泣涕沾胃順人人心悅先天
天意從詔下纔七日和氣生冲融凝為悠悠雲散作習
習風晝夜三日雨淒淒復濛濛萬心春熙熙百穀青芄

凡^{蒲紅}人變愁為喜歲易儉為豐乃知王者心憂樂與

衆同皇天與后土所感無不通冠珮何鏘鏘將相及王公蹈舞呼萬歲列賀明庭中小臣誠愚陋職忝金鑾宮稽首再三拜一言獻天聰君以明為聖臣以直為忠敢賀有其始亦願有其終

讀張籍古樂府

張君何為者業文三十春尤工樂府詩舉代少其倫為詩意如何六義五鋪陳風雅比興外未嘗著空文讀君

欽定四庫全書

白居易集

二

學仙詩可諷放佚君讀君董公詩可誨貪暴臣讀君商女詩可感悍婦仁讀君勤齋詩可勸薄夫敦上可裨教化舒之濟萬民下可理情性卷之善一身始從青衿歲迨此白髮新日夜秉筆吟心苦力亦勤時無采詩官委棄如泥塵恐君百歲後滅沒人不聞願藏中秘書百代不湮淪願播內樂府時得聞至尊言者志之苗行者文之根所以讀君詩亦知君為人如何欲五十官小身賤貧病眼街西住無人行到門

哭孔戡

洛陽誰不死戡死聞長安我是知戡者聞之涕泣然戡佐山東軍非義不可干拂衣向西來其道直如絃從事得如此人人以為難人言明明代合置在朝端或望居諫司有事戡必言或望居憲府有邪戡必彈惜哉兩不諧沒齒為閒官竟不得一日塞塞立君前形骸隨衆心斂墓北邙山平生剛腸內直氣歸其間^{居顏切}賢者為生民生死懸在天謂天不愛人胡為生其賢謂天果愛民胡為奪其年茫茫元化中誰執如此權

欽定四庫全書

白居易集

三

凶宅

長安多大宅列在街西東往往朱門內房廊相對空梟鳴松桂枝孤藏蘭菊叢蒼苔黃葉地日暮多旋風前主為將相得罪竄巴庸後主為公卿寢疾歿其中連延四五主殃禍繼相鍾自從十年來不利主人翁風雨壞簷隙蛇鼠穿墻墮人疑不敢買日毀土木功嗟嗟俗人心甚矣其愚蒙但恐災將至不思禍所從我今題此詩欲

悟迷者曾凡為大官人年祿多高崇權重持難久位高
勢易窮驕者物之盈老者數之終四者如冠盜日夜來
相攻假使居吉土孰能保其躬因小以明大借家可諭
邦叶通周秦宅峭函其宅非不同一興八百年一死望
夷宮寄語家與國人凶非宅凶

夢仙

人有夢仙者夢身升上清坐乘一白鶴前引雙紅旌羽
衣忽飄飄王鸞俄錚錚半空直下視人世塵冥冥漸失

欽定四庫全書

白氏長慶集

四

鄉國處纔分山水形東海一片白列岳五點青須臾羣
仙來相引朝玉京安期羨門輩列侍如公卿仰謁玉皇
帝稽首前致誠帝言汝仙才努力勿自輕却後十五年
期汝不死庭再拜受斯言既寤喜且驚秘之不敢泄誓
志居巖扃涓營切恩愛捨骨肉飲食斷羶腥朝餐雲母散
夜吸沆何黨切澄莫介切精空山三十載日望輶軒迎前期
過已久鸞鶴無來聲齒髮日衰白耳目減聰明一朝同
物化身與冀壤并神仙信有之俗力非可營苟無金骨

相不列丹臺名徒傳辟穀法虛受燒丹經只自取勤苦
百年終不成悲哉夢仙人一夢誤一生

觀刈麥

時為熱屋縣尉
盤音周屋音質

田家少閒月五月人倍忙夜來南風起小麥覆隴黃婦
姑荷鋤食童稚攜壺漿相隨餉田去丁壯在南岡足蒸
暑土氣背灼炎天光力盡不知熱但惜夏日長復有貧
婦人抱子在其傍右手秉遺穗左臂懸弊筐聽其相顧
言聞者為悲傷家田輸稅盡拾此充饑腸今我何功德
曾不事農桑吏祿三百石歲晏有餘糧念此私自愧盡
日不能忘

欽定四庫全書

白氏長慶集

五

題海圖屏風

元和已
丑年作

海水無風時波濤安悠悠鱗介無小大遂性各沉浮突
兀海底鼇首冠三神丘釣網不能制其來非一秋或者
不量力謂茲鼇可求旁徒切願與計切牽不動綸絕沉其
鉤一鼇既頽頤諸鼇齊掉頭白濤與黑浪呼吸繞咽喉
噴風激飛廉鼓波怒陽侯鯨鯢得其便張口欲吞舟萬

里無活鱗百川多倒流遂使江漢水朝宗意亦休蒼然
屏風上此畫良有由

羸駿

驂騑失其主羸餓無人牧向風嘶一聲莽蒼黃河曲踞
冰水畔立卧雪塚間宿歲暮田野空寒草不滿腹豈無
市駿者盡是凡人目相馬失於瘦遂遺千里足村中何
擾擾有吏微芻粟淪彼軍廩中化作驚駘肉

廢琴

欽定四庫全書
白氏長慶集
卷一
絲桐合為琴中有太古聲古聲淡無味不稱今日情玉
徽光彩滅朱絃塵土生廢棄來已久遺音尚泠泠不辭
為君彈縱彈人不聽何物使之然羌笛與秦箏

李都尉古劍

古劍寒黯黯鑄來幾千秋白光納日月紫氣排斗牛有
客借一觀愛之不敢求湛然玉匣中秋水澄不流至寶
有本性精剛無與儔可使寸寸折不能繞指柔願快直
士心將斷佞臣頭不願報小怨夜半刺私讐勸君慎所

用無作神兵羞

雲居寺孤桐

一株青玉立千葉綠雲委亭亭五丈餘高意猶未已山
僧年九十清淨老不死自云手種時一顆苦果切青桐子
直從萌芽拔高自毫末始四面無附枝中心有通理寄
言立身者孤直當如此

京兆府新栽蓮

時為藍屋縣尉赴府作

汚溝貯濁水水上葉田田我來一長歎知是東溪蓮下
有清泥汚馨香無復全上有紅塵撲顏色不得鮮物性
猶如此人事亦宜然託根非其所不如遭棄捐干權切昔
在溪中日花葉媚清漣今來不得地音賴府門前

月夜登閣避暑

暑久炎氣甚中人若燔燒清風隱何處草樹不動搖何
以避暑氣無如出塵囂行行都門外佛閣正宮堯清涼
近高生煩熱委靜銷開襟當軒坐神泰意飄飄迴看歸
路傍禾黍盡枯焦獨善誠有計將何救旱苗

初授拾遺

奉詔登左掖束帶參朝議何言初命卑且脫風塵吏杜
甫陳子昂才名括天地當時非不過尚無過斯位況予
蹇薄者寵至不自意驚近白日光慙非青雲器天子方
從諫朝廷無忌諱豈不思匪躬適遇時無事受命已旬
月飽食隨班次諫紙忽盈箱對之終自愧

贈元稹

自我從宦遊七年在長安所得惟元君乃知定交難豈

欽定四庫全書

白氏長慶集
卷一

無山上苗徑寸無歲寒豈無要津水咫尺無波瀾之子
異於是久處誓不諼音音無波古井水有節秋竹竿一為
同心友三及芳歲闌花下鞍馬遊雪中杯酒歡衡門相
逢迎不具帶與冠春風日高睡秋月夜深看不為同登
科不為同署官所合在方寸心源無異端

哭劉敦質

小樹兩株栢新土三尺墳蒼蒼白露草此地哭劉君哭
君豈無辭辭云君子人如何天不弔窮悴至終身愚者

多貴壽賢者獨賤述龍亢彼無悔螭屈此不伸哭罷持
此辭吾將詰義文

答友問

大圭廉不割利劍用不缺當其斬馬時良玉不如鐵置
鐵在洪爐鐵消易如雪良玉同其中三日燒不熱君疑
才與德詠此知優劣

雜興三首

楚王多內寵傾國選嬪妃又愛從禽樂馳騁每相隨錦

欽定四庫全書

白氏長慶集
卷一

繡哥羅臂花隼羅袂控金羈遂習宮中女皆如馬上兒
色禽合為荒刑政兩已衰思推切雲夢春仍獵章華夜不
歸東風二月天春鴈正離離美人挾銀鐫一發疊雙飛
飛鴻驚斷行斂翅避蛾眉君王顧之笑弓箭生光輝迴
眸語君曰昔聞莊王時有一愚夫人其名曰樊姬不有
此遊樂三載斷鮮肥

越國政初荒越天旱不已風日燥水田水涸塵飛起國
中新下令官渠禁流水流水不入田壅入王宮裏餘波

養魚鳥倒影浮樓雉澹灩九折池紫迴十餘里四月芙
荷發越王日遊嬉左右好風來香動芙蓉藥但愛芙蓉
香又種芙蓉子不念閭門外千里榴苗死

吳王心日侈服玩盡奇瓌

音曰又
姑回切

身卧翠羽帳手持紅

玉杯冠垂明月珠帶束通天犀行動自矜顧數步一徘
徊小人知所好懷寶四方來奸邪得藉手從此倖門開
古稱國之寶穀米與賢才今看君王眼視之如塵灰伍
員諫已死浮屍去不迴姑蘇臺下草麋鹿闇生麕

欽定四庫全書

白氏長慶集
卷一

宿紫閣山北村

晨遊紫閣峯暮宿山下村村老見予喜為予開一樽舉
杯未及飲暴卒來入門紫衣挾刀斧草草十餘人奪我
席上酒掣我盤中殮主人退後立斂手反如賓中庭有
奇樹種來三十春主人惜不得持斧斷其根口稱采造
家身屬神策軍主人慎勿語中尉正承恩

讀漢書

禾黍與稂莠雨來同日滋桃李與荆棘霜降同夜萎草

木既區別榮枯那等夷茫茫天地意無乃太無私小人
與君子用置各有宜奈何西漢末忠邪並信之不然盡
信忠早絕邪臣窺不然盡信邪早使忠臣知優游兩不
斷盛業日已衰痛矣蕭京輩終令陷禍機

蕭望之
京房等

每讀

元成紀憤憤令人悲寄言為國者不得學天時寄言為
臣者可以鑒於斯

贈樊著作

陽城為諫議以正事其君其手如屈軼舉必指佞臣卒

欽定四庫全書

白氏長慶集
卷一

使不仁者不得秉國鈞元稹為御史以直立其身其心
如肺石動必達窮民東川八十家冤憤一言伸劉闢肆
亂心殺人正紛紛其嫂曰庾氏棄絕不為親從史萌逆節
隱心潛負恩其佐曰孔戡捨去不為賓凡此士與女其
道天下聞常恐國史上但記鳳與麟賢者不為名名彰
教乃敷每惜若人輩身死名亦淪君為著作郎職廢志
空存雖有良史才直筆無所申何不自著書實錄彼善
人編為一代言以備史闕文

蜀路石婦

道傍一石婦無記亦無銘傳是此鄉女為婦孝且貞十五嫁邑人十六夫征行夫行二十載婦獨守孤茆其夫有父母老病不安寧其婦執婦道一一如禮經晨昏問起居恭順發心誠藥餌自調節膳羞必甘馨夫行竟不歸婦德轉光明後人高其節刻石像婦形儼然整衣巾若立在閨庭似見舅姑禮如聞環珮聲至今為婦者見此孝心生不比山頭石空有望夫名

欽定四庫全書

白氏長慶集

卷一

折劍頭

拾得折劍頭不知折之由一握青蛇尾數寸碧峯頭疑是斬鯨鯢不然刺蛟虬缺落泥土中委棄無人收我有鄙介性好剛不好柔勿輕直折劍猶勝曲金鈎

登樂遊園望

獨上樂遊園四望天日曛東北何靄靄宮闕入煙雲愛此高處立忽如遺垢氛耳目暫清曠懷抱鬱不伸下視十二街綠樹間紅塵車馬徒滿眼不見心所親孔生死

洛陽元九謫荆門可憐南北路高蓋者何人

酬元九對新栽竹有懷見寄

項有贈元九詩云有節秋竹竿故元

感之因重見寄

昔我十年前與君始相識會將秋竹心風霜侵不得始嫌梧桐樹秋至先改色不愛楊柳枝春來軟無力憐君別我後見竹常相憶常欲在眼前故栽庭戶側分首今何處君南我在北吟我贈君詩對之心惻惻

感鶴

欽定四庫全書

白氏長慶集

卷一

鶴有不羣者飛飛在野田饑不啄腐鼠渴不飲盜泉貞姿自耿介雜鳥何翩翩呼謂切同遊不同志如此十餘年一興嗜慾念遂為增繳牽委質小池內爭食羣雞前不惟懷稻粱兼亦競腥羶不惟戀主人兼亦狎鳥鵲物心不可知天性有時遷一飽尚如此况乘大夫軒

春雪

元和歲在卯六年春二月月晦寒食天天陰夜飛雪連宵復竟日浩浩殊未歇大似落鷲毛密如飄玉屑寒銷

春茫上蒼上氣變風凜冽上林草盡沒曲江水復結紅

乾杏花死綠凍楊柳折所憐物性傷非惜年芳絕上天

有時令四序平分別寒燠苟反常物性皆天關阿葛切我

觀聖人意魯史有其說或記水不冰或書霜不殺上將

做政教下以防災孽茲雪今如何信美非時節

高僕射

富貴人所愛聖人去其泰所以致仕年著在禮經內玄

元亦有訓知止則不殆二疎獨能行遺跡東門外清風

欽定四庫全書

白氏長慶集

久銷歇追此向千載斯人古亦稀何況今之代遑遑名

利客白首千百輩惟有高僕射七十懸車蓋我年雖未

老歲月亦云邁預恐老及時貪榮不能退中心私自傲

何以為我戒故作僕射詩書之於大帶

白牡丹和錢學士作

城中省花客旦暮走營營素華人不顧亦占牡丹名開

在深寺中車馬無來聲惟有錢學士盡日遶叢行憐此

皓然質無人自芳馨衆嫌我獨賞移植在中庭留景夜

不曉迎光曙先明對之心亦靜虛白相向生唐昌玉蕊

花攀翫衆所爭折來比顏色一種如瑤瓊彼因稀見貴

此以多為輕始知無正色愛惡隨人情豈惟花獨爾理

與人事并君看入眼者紫豔與紅英

贈內

生為同室親死為同穴塵他人尚相勉而况我與君默

要固窮士妻賢忘其貧冀缺一農夫妻敬儼如賓陶潛

不營生翟氏自夔薪梁鴻不肯仕孟光甘布裙君雖不

欽定四庫全書

白氏長慶集

讀書此事耳亦聞至此千載後傳是何如人生未死

間不能忘其身所須者衣食不過飽與溫蔬食足充饑

何必膏粱珍繒絮足禦寒何必錦繡文君家有貽訓清

白遺子孫我亦貞苦士與君新結婚庶保貧與素偕老

同欣欣

寄唐生

賈誼哭時事阮籍哭路歧唐生今亦哭異代同其悲唐

生者何人五十寒且饑不悲口無食不悲身無衣所悲

忠與義悲甚則哭之太尉擊賊日段太尉以尚書叱盜

時顏尚書此大夫死凶寇陸大夫為諫議謫蠻夷陽諫

連道李希烈每見如此事聲發涕輒隨往往聞其風俗士猶或

非憐君頭半白其志竟不衰我亦君之徒鬱鬱何所為

不能發聲哭轉作樂府詩篇篇無空文句句必盡規功

高虞人歲痛甚騷人詞非求官律高不務文字奇惟歌

生民病願得天子知未得天子知甘受時人嗤藥良氣

味苦琴淡音聲稀不懼權豪怒亦任親朋譏人竟無奈

欽定四庫全書白氏長慶集卷一

何呼作狂男兒每逢羣盜息或遇雲霧披但自高聲歌

庶幾天聽卑歌哭雖異名所感則同歸寄君三十章與

君為哭詞

傷唐衢二首

自我心存道外物少能逼常排傷心事不為長歎息忽

聞唐衢死不覺動顏色悲端從東來觸我心惻惻伊昔

未相知偶遊滑臺側同宿李翱家一言如舊識酒酣出

送我風雪黃河北日西並馬頭語別至昏黑君歸向東

鄭我來遊上國交心不交面從此重相憶憐君儒家子

不得詩書力五十著青衫試官無祿食遺文僅千首六

義無差忒散在京洛間何人為收拾

憶昨元和初忝備諫官位是時兵革後生民正憔悴但

傷民病痛不識時忌諱遂作秦中吟一吟悲一事貴人

皆怪怒間人亦非訾天高未及聞荆棘生滿地惟有唐

衢見知我平生志一讀興歎嗟再吟垂涕泗因和三十

韻手題遠緘寄致吾陳杜間賞愛非常意此人無復見

欽定四庫全書白氏長慶集卷一

此詩猶可貴今日開篋看蠹魚損文字不知何處葬欲

問先歆歆終去哭墳前還君一掬淚陳杜謂子昂與甫

唐衢詩也

問友

種蘭不種艾蘭生艾亦生根艾相交長莖葉相附榮香

莖與臭葉日夜俱長大鋤艾恐傷蘭慨蘭恐滋艾蘭亦

未能溉艾亦未能除沉吟意不決問君欲何如

悲哉行

悲哉為儒者力學不知疲讀書眼前聞秉筆手生胝

支音

十上方一第成名常苦遲縱有宦達者兩鬢已成絲可
憐少壯日適在窮賤時丈夫老且病焉用富貴為沉沉
朱門宅中有乳臭兒狀貌如婦人光明膏梁肌手不把
書卷身不掇胡慣切戎衣二十襲封爵門承勲戚資春來
日日出服御何輕肥朝從博徒飲暮有娼樓期平封還
酒債堆金選蛾眉聲色狗馬外其餘一無知山苗與澗
松地勢隨高卑古來無奈何非君獨傷悲

欽定四庫全書

卷一 長慶集

紫藤

藤花紫蒙茸藤葉青扶疎誰謂好顏色而為害有餘下
如蛇屈盤上若繩縈紆可憐中間樹束縛成枯株柔蔓
不自勝嫋嫋掛空虛豈知纏樹木千夫力不如先柔後
為害有似諛佞徒附著君權勢君迷不肯誅又如妖婦
人綢繆盡其夫奇邪壞人室夫惑不能除寄言邦與家
所慎在其初毫末不早辨滋蔓信難圖願以藤為戒銘
之於座隅

放鷹

十月鷹出籠草枯雉兔肥下韝哥誼切隨指顧百擲無一
遺鷹翅疾如風鷹爪利如錐本為鳥所設今為人所資
孰能使之然有術甚易知取其向背性制在饑飽時不
可使長飽不可使長饑饑則力不足飽則背人飛乘饑
縱搏擊未飽須繫維所以爪翅功而人坐收之聖明馭
英雄其術亦如斯鄙語不可棄吾聞諸獵師

慈烏夜啼

欽定四庫全書

卷一 長慶集

慈烏失其母啞啞

倚下切

吐哀音晝夜不飛去經年守故

林夜夜夜半啼聞者為沾襟聲中如告訴未盡反哺心
百鳥豈無母爾獨哀怨深應是母慈重使爾悲不任昔
有吳起者母歿喪不臨嗟哉斯徒輩其心不如禽慈烏
復慈烏鳥中之曾參

鷺詩示劉叟

并序

叟有愛子背叟逃去叟甚悲念之叟少年亦嘗如是故
作鷺詩以諭之

梁上有雙鷺翩翩雄與雌銜泥兩椽間一巢生四兒四
兒日夜長索食聲孜孜青蟲不易捕黃口無飽期嘴爪
雖欲弊心力不知疲須臾千來往猶恐巢中饑辛勤三
十日母瘦雛漸肥喃喃教言語一一刷毛衣一旦羽翼
成引上庭樹枝舉翅不回顧隨風四散飛雌雄空中鳴
聲盡呼不歸却入空巢裏啁啾終夜悲鷺鷥爾勿悲爾
當返自思思爾為雛日高飛背母時當時父母念今日
爾應知

欽定四庫全書

白氏長慶集

采地黃者

麥死春不雨禾損秋早霜歲晏無口食田中采地黃采
之將何用持以易餱糧凌晨荷鋤去薄暮不盈筐攜來
朱門家賣與白面郎與君啖肥馬可使照地光願易馬
殘粟救此苦饑腸

初入太行路

天冷日不光太行峯蒼莽嘗聞此中險今我方獨往馬
蹄凍且滑羊腸不可上若比世路難猶自平於掌

鄧魴張徹落第

古琴無俗韻秦罷無人聽寒松無妖花枝下無人行春
風十二街軒騎不暫停奔車看牡丹走馬聽秦箏衆目
悅芳豔松獨守其貞衆耳喜鄭衛琴亦不改聲懷哉二
夫子念此無自輕

送王處士

王門豈無酒侯門豈無肉主人貴且驕待客禮不足望
塵而拜者朝夕走碌碌王生獨拂衣遐舉如雲鵲寧歸
白雲外飲水卧空谷不能隨衆人斂手低眉目扣門與
我別沽酒留君宿好去采薇人終南山正綠

村居苦寒

八年十二月五日雪紛紛竹柏皆凍死況彼無衣民迴
觀村間十室八九貧北風利如劍布絮不蔽身唯燒
蒿棘火愁坐夜待晨乃知大寒歲農者猶苦辛顧我當
此日草堂深掩門褐裘覆絕_中之被坐卧有餘溫幸免
饑凍苦又無塊畝勤念彼深可愧自問是何人

納粟

有吏夜扣門高聲催納粟家人不待曉場上張燈燭揚
簸淨如珠一車三十斛猶憂納不中鞭責及僮僕昔余
謬從事內愧才不足連投四命官坐尸十年祿常聞古
人語損益周必復今日諒甘心還他太倉穀

薛中丞

百人無一直百直無一遇借問遇者誰正人行得路中
丞薛存誠守直心甚固皇明燭如日再使秉王度奸豪
與佞巧非不憎且懼直道漸光明邪謀難蓋覆每因匪
躬節知有匡時具張為墜網網倚作頽簷柱悠哉上天
意報施紛迴互自古已冥茫從今猶不諭宜與小人意
昏然同好惡不然君子人何反如朝露晝相昨已夭薛
君今又去以我惜賢心五年如旦暮况聞善人命棄短
繫運數今我一涕零豈為中丞故

秋池二首

前池秋始半卉物多摧壞欲暮槿先委未霜荷已敗默

然有所感可以從茲誠本不種松筠早凋何足怪

鑿池貯秋水中有蘋與芰天旱水暗消塌然委空地有
似汎汎者附離權與貴一旦恩勢移相隨共憔悴

夏旱

太陰不離畢太歲仍在午旱日與炎風枯樵我田畝金
石欲銷鑠况茲禾與黍嗷嗷萬族中唯農最辛苦惻然
望歲者出門何所覩但見棘與茨蘿生徧場園惡苗承
沴音戾氣欣欣然得其所感此因問天可能長不雨

欽定四庫全書

白氏長慶集

謝友

昨夜霜一降殺君庭中槐乾葉不待黃索索飛下來憐
君感物節晨起步前階臨風踏葉立半日顏色哀西望
長安城歌鍾十二街何人不歡樂君獨心悠哉白日頭
上走朱顏鏡中頽平生青雲心銷化成死灰我今贈一
言勝飲酒千杯其言雖甚鄙可破悵悵懷朱門有勲貴
陋巷有顏回窮通各有命不繫才不才推此自裕裕不
必待安排